

朴氏世鑑序

世鑑朴氏之書而自羅伊麗逮至本朝上下二千年間
先正名流崑勳偉績之集成者也其爲書也始於始祖
王止於密城大君各貫中祖及分封孤之後賢其世代
之次門路之來昭昭班班櫛括無餘可謂吾姓譜學界一
龜鑑也按朴之姓得於始林之瓠而如瓜瓞葛藟之蕃茂
蔓延于中表蔚爲一則二則之大族而後屬甚疎往往相
視無異於路人此豈性哉不講祖先之故也其講如何非
書難以廣佈玩讀而玩讀之際追祖敦宗之心油然而自
生然則世鑑之書亦豈無因而成也竊惟密城大君即新

羅王分封之胄嗣密城派得貫之鼻祖也然而世遠文微
當時遺蹟無從可據而今密州嶺南樓卽其宮城遺址云
者各派譜乘中所載自前輩傳來者也後承霜露之感
愈久愈甚每擬於此地建廟追祭而慮始不續克終爲鮮
因用慨恨者久矣及至去壬戌之春闔鮮有志宗族團束
條約沃川之龍坊起成廟宇祠曰遠德齋曰追慕主倡者
密陽十二之派協贊則泰安龜山珍原昌原殷豐文義之
六分派也廟成祀行不滿一朞之以密城壇議繼起詢同
於南樓北畔築而壇壇而碑密沃間兩大事何待今日而
同時俱就耶此則千載之有願先輩之所有志而莫遂者

也豈非世運人事或有時相待而成 祖靈孫謨亦有時

相感而應者耶噫余亦姓孫中一人其於廟事壇會之
席末叅傍聽而且有感想之性故講敦友之義愛各
派祖先遺善餘義之不朽博采實蹟編成上下二冊
蓋依原錄而刪正非敢以已見妄筆也得無誅於高評
之眼耶然此書一篇徹頭徹尾使讀者興感而都是
敬祖愛族之不外何者使同宗覽之有大同主念使
同派覽之有近同主念使同堂覽之有親同主念大
同者百世之族是也近同者十世之族是也親同者
五世之族是也以五視十以十視百若有疎遠而以

始祖而視之則其麗千億均是孫裔也以吾身而視
始祖則便是吾祖一人而已不復知有親疎久近之
別而自致敬慕之誠實由情理氣脈之所自也然則
其爲吾始祖之孫裔者曷敢不相愛乎爲是弁贅
新羅紀元千九百八十一年乙丑榴夏

凝川朴性立謹序

孟子曰道在通而求諸遠事在易而求諸難竊惟古今聖賢之道載在方策昭示百世是皆可以取鑑焉惟其傳受之邇繼述之易莫如祖先之事行此朴氏世鑑之所以述也此書載新羅事蹟及勝國本朝歷代又錄密城大君及各賢中祖各派後賢事行昭然如燭照數計此非但溯源辨流之一明鑒也其要義惟在仰照祖先之懿德善行探討服行擴大推明使夫天理之微人倫之著事物之衆鬼神之幽莫不洞然畢貫于一然後可謂善於鑑者而亦所以世受而勿失者也嘗聞是鑑也虛靈不昧具衆理而應萬事靜則藏於方寸之中動則燭於六合之外凡宇宙間

妍醜長短莫逃其形鑑之爲明儘昭々也然而窮古亘今
保是鑑者幾希矣惟聖人全之賢人修之下此則皆垢汚
塵蔽而永失也惟我新羅始祖王之聖德全保此鑑傳授
後世而後世之繼修向光明者則卷中諸賢是也吾宗僉
君子亦將繼修此鑑則何師他師師此諸賢可也師此諸
賢則舍是書何求哉承襲箕裘實在乎此豈非道之邇事
之易者乎此書宗人性立之所編性立以余忝在掃塵且
尸刊役固請序余累辭不獲而仍竊念記曰顯揚先祖所
以崇孝也身比焉順也明示後世教也今性立其庶幾乎
遂感此而爲之序